

Decisiuns dalla radunanza communal Surses

La radunanza communal Surses digls 25 d'otgover ò

- tracto la dumonda dall'indemnisaziun da scadenza davart la concessiun pertutgont l'ovra electrica Casti vest d'anfignen ossa cun igl ewz (Ovra electrica digl martgea da Turitg) e decida unanimamaintg da deliberar igl affar per mangs digl cumegn d'urna Surses cun la proposta d'approvaziun;
- tracto la dumonda davart igl nov contract da concessiun cun igl ewz (Ovra electrica digl martgea da Turitg) pertutgont l'ovra electrica Casti vest, valevel anfignen igl onn 2050, e decida unanimamaintg da deliberar igl affar per mangs digl cumegn d'urna Surses cun la proposta d'approvaziun;
- approvo unanimamaintg la cunvignientscha cun igl ewz (Ovra electrica digl martgea da Turitg) davart la regulaziun transitorica per far adiever dalla forza hidraulica dalla Gelgia ainten l'ovra electrica da Casti vest. Chella regulaziun transitorica è valevla angal anfignen tgi la nova concessiun aintra an vigour;
- approvo unanimamaintg la lescha davart la protecziun dalla populaziun digl cumegn da Surses cun la metter an vigour per datum dalla conclusiun;
- decida unanimamaintg da vender la parcella nr. 5487 ainten la zona d'industreia Gravas a Cunter a Luigino Maffei cun annullar igl madem mument igl sies contract da dretg da biagier existent concernent la parcella an dretg da biagier nr. 5492;
- decida unanimamaintg da vender agls conjugals Tanja e Sandro Demarmels la parcella da biagier nr. 8266, Davos-Clavo, Salouf, e d'annullar igl madem mument lour contract da dretg da biagier existent concernent la parcella an dretg da biagier 8877. La vendita succeda sen basa digl reglamaint digl anteriour cumegn da Salouf pertutgont la vendita e la cunsigna da taragn an dretg da biagier a Davos-Clavo e La Gneida;
- piglia cunaschientscha da diversas infurmaziuns digl cumegn.

Igl protocol dalla radunanza communal digls 25 d'otgover ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitgia a taimp util aint igl figl uffizial digl cumegn.

Tinizong, igls 25 d'otgover 2021

Suprastanza communal Surses